



უმაღლესი სასწავლებლებში სასწავლო პროცესის მართვის სრულყოფის საკითხები თსუ-ს მაგალითზე

რეზიუმე

უმაღლესი განათლების ევროპული სივრცის დასამკვიდრებლად უპირველეს ყოვლისა საჭიროა ინფორმაციული ტექნოლოგიების ფართოდ დანერგვა და გამოყენება ქვეყნის უმაღლესი განათლების სისტემაში. თანამედროვე საგანმანათლებლო ტექნოლოგიების სასწავლო პროცესში ინტეგრაცია წარმატებული საგანმანათლებლო გარემოს შექმნის ერთ-ერთი აუცილებელი ფაქტორია. საინფორმაციო ტექნოლოგიების დანერგვას განათლების სფეროში უადრესად დიდი მნიშვნელობა აქვს და მათი გამოყენება ფართო მასშტაბებითა და მიმართულებებით არის შესაძლებელი.

მიუხედავად იმისა, რომ ამჟამად თსუ-ში მოქმედი სასწავლო პროცესის მართვის ავტომატიზებული სისტემა ეფექტურად მუშაობს, მას გააჩნია მთელი რიგი ნაკლოვანებები, რის გამოც იგი ვერ უზრუნველყოფს მის წინაშე დასმული ამოცანების სრულყოფილად გადაწყვეტას. ქვეყნის მასშტაბით ერთიანი სტუდენტური რეესტრის -საგანმანათლებლო დაწესებულებათა რეესტრის არსებობა ცხადია უზრუნველყოფს მთელი რიგი პრობლემების გადაწყვეტას, თუმცა დღესდღეობით აღნიშნული რეესტრი საჭიროებს განახლებას და მართვის მექანიზმების დახვეწას.

დღეისათვის საგანმანათლებლო დაწესებულებათა რეესტრის ფუნქციების სრულყოფა, დახვეწა და საგანმანათლებლო დაწესებულებებში არსებული საინფორმაციო სისტემების ჩანაცვლება წარმატებული საგანმანათლებლო გარემოს შექმნის ერთ-ერთი აუცილებელი ფაქტორია.

საკვანძო სიტყვები: უმაღლესი განათლება, ინტელექტუალური, სასწავლო პროცესი, ბოლონიის პროცესი.

თინა მელქოშვილი

ბიზნესის ადმინისტრირების

აკადემიური დოქტორი,

თსუ ასისტენტ-პროფესორი

E-mail: tina.melkoshvili@tsu.ge

„პოლიტიკური და აკადემიური სამყაროს დიდი ნაწილი და საზოგადოება სულ უფრო მეტად აცნობიერებს სრულყოფილი და წარმატებული ევროპის აუცილებლობას. კერძოდ, მისი ინტელექტუალური, კულტურული, სოციალური და სამეცნიერო-ტექნოლოგიური განხორციელების გაერთიანებასა და გაძლიერებას“ ნათქვამია ბოლონიის პროცესზე, რომლის დეკლარაციასაც ევროპის 29 ქვეყნის უმაღლესი განათლებაზე პასუხისმგებელმა მისინისტრმა მოაწერა ხელი 1999 წლის 19 ივნისს.

დეკლარაციაზე ხელის მოწერით, თუ პრინციპული თანხმობის გამოხატვით 29 წამყვანი ევროპული ქვეყანა დაეთანხმა დეკლარაციაში დასახული მიზნების განხორციელებას კერძოდ კი იმ აზრს, რომ განათლება და საგანმანათლებლო თანამშრომლობა გადაწყვეტი ფაქტორია სტაბილური, მშვიდობიანი და დემოკრატიული საზოგადოების განვითარებისა და გაძლიერებისათვის.

ბოლონიის პროცესზე მიღებული ფუნდამენტური პრინციპი, რომ უნივერსიტეტი არის ავტონომიური დაწესებულება, რომელიც ქმნის, ამოწმებს, აფასებს და ავრცელებს კულტურას კვლევისა და სწავლების გზით და კვლევა და სწავლება კი ზნეობრივად და ინტელექტუალურად დამოუკიდებელი უნდა იყოს ნებისმიერი პოლიტიკური და ეკონომიკური ძალაუფლებისაგან ძალიან მნიშვნელოვანია, ვინაიდან სწორედ უნივერსიტეტების დამოუკიდებლობა და ავტონომია უზრუნველყოფს უმაღლესი განათლებისა და კვლევის მუდმივ შესაბამისობას ცვალებად საჭიროებებთან, საზოგადოების მოთხოვნებსა და მეცნიერული ცოდნის განვითარებასთან.

ამჟამად ბოლონიის პროცესში ჩართულ 46 ქვეყანასთან ერთად საქართველო ახორციელებს მთელ რიგ პროცესებს უმაღლესი განათლების ევროპული სივრცის დასამკვიდრებლად.



უდავოა ის ფაქტიც, რომ უმაღლესი განათლების ევროპული სივრცის დასამკვიდრებლად ქვეყნის მასშტაბით აუცილებელია უდიდესი ღონისძიებების გატარება უპირველეს ყოვლისა ინფორმაციული ტექნოლოგიების ფართოდ დანერგვისა და გამოყენების სფეროში.

თანამედროვე ინფორმაციულ-საკომუნიკაციო ტექნოლოგიები ცხოვრების ყველა სფეროში მნიშვნელოვან ადგილს იკავებს. გამონაკლისი რა თქმა უნდა არც უმაღლესი განათლების სფეროა. თანამედროვე საგანმანათლებლო ტექნოლოგიების სასწავლო პროცესში ინტეგრაცია წარმატებული საგანმანათლებლო გარემოს შექმნის ერთ-ერთი აუცილებელი ფაქტორია.

უმაღლესი განათლების სისტემაში მიმდინარე რეფორმები და სწავლების ახალი პრინციპები შესაბამის დაწესებულებებში სასწავლო პროცესის მართვის ავტომატიზებული სისტემების შექმნის და დანერგვის საჭიროებას ქმნის. საყოველთაოდ ცნობილია, რომ საინფორმაციო ტექნოლოგიების დანერგვას განათლების სფეროში უაღრესად დიდი მნიშვნელობა აქვს და მათი გამოყენება ფართო მასშტაბებითა და მიმართულებებით არის შესაძლებელი.

ივანე ჯავახიშვილის სახელობის თბილისის სახელმწიფო უნივერსიტეტში სასწავლო პროცესის მართვის ავტომატიზებული საინფორმაციო სისტემების შექმნა სწავლების ახალი პრინციპებისა და მეთოდების შემოღებით იყო გამოწვეული. დღის წესრიგში დადგა უნივერსიტეტში შექმნილიყო საერთო – საუნივერსიტეტო სტუდენტური მონაცემთა ბაზა, რომელიც უფრო მოქნილი და მობილური იქნებოდა და რომელთანაც სტუდენტს შეეძლებოდა ეთანამშრომლა, სისტემისთვის მიეწოდებინა და მისგანაც აეღო საჭირო და აუცილებელი ინფორმაცია.

ასეთი სისტემის დანერგვა უნივერსიტეტში 2006 წლიდან დაიწყო. დღესდღეობით სწორედ აღნიშნული სისტემით ხდება სასწავლო პროცესის მართვა. მასში რა თქმა უნდა საკმაოდ მაღალია ცენტრალიზაციის დონე. ამ სისტემის მეშვეობით ხორციელდება თსუ-ში სამივე საფეხურის (ბაკალავრიატის, მაგისტრატურის, დოქტორანტურის) სტუდენტთა სასწავლო პროცესთან დაკავშირებული მთელი რიგი საკითხების გადაწყვეტა: სტუდენტთა ადმინისტრაციული და აკადემიური რეგისტრაცია; სტუდენტთა სტატუსის შეჩერება, შეწყვეტა, აღდგენა; სტუდენტების მიერ ძირითადი და მეორადი სპეციალობების არჩევა, ყოველსემესტრულად სასწავლო დისციპლინების, პედაგოგების არჩევა

და ა.შ.

აღსანიშნავია ისიც რომ თსუ-ს სასწავლო პროცესის მართვის საინფორმაციო სისტემა საშუალებას აძლევს არა მარტო სტუდენტს წინასწარ გაეცნოს ამა თუ იმ სასწავლო პროგრამას, ან სასწავლო კურსს, საკუთარ აკადემიურ მოსწრებას, შექმნას საკუთარი მეცადინეობების განრიგი – სასწავლო ცხრილი, არამედ პროფესორ-მასწავლებლებს და ადმინისტრაციის თანამშრომლებს მიიღონ სისტემისგან მათთვის საჭირო და აუცილებელი ინფორმაცია მუშაობის სრულყოფისა და უკეთ წარმართვისათვის. სისტემასთან თანამშრომლობს სხვადასხვა დონის და სხვადასხვა უფლებების მქონე მომხმარებელი.

თსუ-ს ადმინისტრაცია აღნიშნულ სისტემას საკმაოდ ეფექტურად იყენებს. მისი საშუალებით იგი ახდენს სტუდენტთა ადმინისტრაციულ რეგისტრაციას, სასწავლო სემესტრების წარმოებას, საშუალებდო-საგამოცდო თუ საბოლოო საგამოცდო უწყისების ფორმირებას, სასწავლო პროგრამების სრულყოფას და მართვას, სტუდენტებთან ფინანსური საკითხების მოგვარებას და სხვა.

თსუ-ში დღეისათვის სისტემა წარმატებულად და ეფექტურად ფუნქციონირებს, თუმცა სისტემის მუშაობაში შეიმჩნევა რიგი ხარვეზებისა, რომელიც მოითხოვს სისტემის ცენტრალიზაციის დონის ამაღლებას. სასწავლო პროცესის მართვის ფუნქციონირებაში სისტემა ვერ უზრუნველყოფს ისეთი საკითხების მოგვარებას, როგორიცაა:

- ✓ სტუდენტთა გარე მობილობის პროცესი
- ✓ განათლების ხარისხის დამადასტურებელი დოკუმენტების ავტომატური წარმოება და კონტროლი

✓ სამოქალაქო რეესტრთან მონაცემების შესატყვისობა

✓ თავდაცვის სამინისტროში არსებული სამხედრო კომისარიატების ინფორმაციით უზრუნველყოფის საკითხები და სხვა.

ქვეყნის მასშტაბით ერთიანი სტუდენტური რეესტრის (საგანმანათლებლო დაწესებულებათა რეესტრის) არსებობა ცხადია უზრუნველყოფს ზემოთხამოთვლილი პრობლემების გადაწყვეტას. უფრო ეფექტურად მუშაობს მართვისა და კონტროლის მექანიზმები საერთო-სახელმწიფოებრივი მასშტაბით.

მხოლოდ აღსანიშნავია ის ფაქტი, რომ რადგანაც სისტემის სტრუქტურა არის საკმაოდ რთული და მასში ერთდროულად უწევთ მუშაობა სხვადასხვა დონის მომხმარებლებს, ამიტომ ცენტრალიზაციის ასეთი მაღალი დონის სისტე-



მის შემუშავება მოითხოვს მაღალკვალიფიცირებული სპეციალისტების გამოყენებას, ამასთან სისტემის შემუშავება უნდა მოხდეს სისტემის ფუნქციონირებაში საკმაოდ დიდი გამოცდილების მქონე სპეციალისტებთან მჭიდრო თანამშრომლობით. ყურადსაღებია აგრეთვე ისიც, რომ ასეთი დიდი მოცულობის მონაცემთა ბაზებს ესაჭიროება ადმინისტრირების სწორი მეთოდები. წინააღმდეგ შემთხვევაში სისტემის ფუნქციონირება არაეფექტური იქნება. ამდენად სისტემის შემუშავების საწყის ეტაპზე მიზანშეწონილია უნივერსიტეტის დონეზე არსებული

სასწავლო პროცესის მართვის სისტემის და ცენტრალიზებული სისტემის პრაქტიკური ფუნქციონირება. საბოლოო ჯამში კი ყველა ფუნქციის შესრულება უნდა აიღოს ერთიანმა ცენტრალიზებულმა სისტემამ. ამასთან ქვეყნის მასშტაბით სასწავლო პროცესის მართვის საინფორმაციო სისტემის მუშაობაზე გადასვლას წინ უნდა უსწრებდეს სისტემასთან მუშაობის სპეციალური სახელმძღვანელო დოკუმენტის შემუშავება, რომელიც საშუალებას მისცემს ყველა დონის მომხმარებელს თავი გაართვას სისტემასთან მუშაობას.

QUESTIONS OF IMPROVEMENT OF MANAGEMENT OF EDUCATIONAL PROCESS IN HIGHER EDUCATIONAL INSTITUTIONS ON THE EXAMPLE OF GTU

TINA MELQOSHVILI
Assist.-prof. of GTU
E-mail: tina.melkoshvili@tsu.ge

Summary

For inculcating European Higher Education Area, first of all it's necessary to widely implement informational technologies and use them in the country's higher education system. Integrating modern educational technologies in the educational process is one of the essential factors for creating a successful educational environment. Inculcating informational technologies in the field of education has immense importance and their use is available in a wide variety of size and directions.

Despite the fact that the university-based Learning Management System is working effectively, it has a number of disadvantages, which are the reason it can not provide the complete solution of all the tasks. Existence of United Student Cadastre nationwide - The Registry of Educational Institutions provides a range of solutions to the obvious problems, but the need of updating the register and improving management mechanism is sheer.

At present, upgrading and improving the functions of the Registry and replacing existing information systems in educational institutions are inescapable factors for creating a successful educational environment.